



USuku lweNtsha

Zandile Malaza
Simangaliso Sibiya



Lapha eNingizimu Afrika, usuku
lwangomhla ziyi-16 kuNhlangulana
luyiholide elaziwa ngokuthi Usuku
lweNtsha.

Le ndaba ixoxa ngomlando waleli holide
nokuthi kwenzekani ngalolu suku
ngonyaka we-1976.



“Niyazi yini ukuthi kwenzekani ngoSuku lweNtsha ngonyaka we-1976?” kubuza ugoro kubazukulu bakhe, uBuhle noVusi.

“Kwaqoshwa umlando mhla ziyishumi nesithupha ngenyanga kaNhlanguvana ngonyaka we-1976 eSoweto,” kusho ugoro.



“Kwakusekuseni. Kwakungunyaka wami
wokugcina ngisesikoleni.

Lolo suku lwashintsha umlando,” kuqhubeka
ugogo.



“Sasingabafundi bezikole ezahlukenene eSoweto.

Sasihlele imashi esuka ezikoleni zethu iya enkundleni yebhola i-*Orlando Stadium*. Sasihlele imashi enokuthula.”



“Kwakuyini isizathu sale mashi?” kubuza uBuhle.

Ugogo uyachaza, “Umbuso wobandlululo wawusiphoqa ukuthi sifunde ngolimi lwesiBhunu. Sasingahambisani nalowo mthetho. Sasithukuthele kakhulu!”



“Sathatha isinqumo sokukhulula abafundi
abansundu baseNingizimu Afrika.

Sasifuna imfundo engcono.

Sasifuna imfundo efanayo kuwo wonke umuntu
eNingizimu Afrika.”



“Kwase kwenzekani?” kubuza uVusi.

“Sasimasha siya enkundleni yebhola yase-Orlando lapho sasinomhlangano khona. Izinkulungwane zabafundi zazihlanganye khona. Sasijabulile kakhulu,” kuphendula ugogo.



"Sathi sisamasha, sahlaselwa amaphoyisa.

Basifutha ngesisi esikhalisa izinyembezi.
Basisasazela nangezinja zabo.

Sazama ukwehlisa imimoya saqhubeka
sahamba."



“Kwavele kwaqhuma inhlamvu.”


Kukhona isithombe salokho kuhlasele esethusa umhlaba wonke.

Leso isithombe sika-Hector Peterson ethwelwe ngumngani wakhe,” kusho ugogo edabukile.



“Kwagcina kanjani?” kubuza uBuhle noVusi bekhulumela phansi. “Lo mbhikisho wezikole zaseSoweto wabhebhetheka izwe lonke. Kwahlanganyela nabanye abafundi abaningi nabasebenzi.

Abantu abaningi emhlabeni jikelele babewuxhasa. Wawubaluleke kakhulu ekulweni nombuso wobandlululo.”



“Lolo suku lwabizwa ngokuthi 'uSuku lwaseSoweto'. Lwenziwa iholide ngonyaka we-1995.”

“Ngeminyaka we-1990, kwakukhona imibukiso yezobuciko ephambili eyayiphathelene nale mibhikisho yentsha,” wakhumbula ugo.



Njalo ngonyaka ngalolu Suku lweNtsha, iNingizimu Afrika iyaye ihloniphe intsha eyabulawa ngalo mbhikisho wonyaka we-1976.”

“Sikhumbula intsha eyasiza ukuqeda ubandlululo,” kusho ugogo ngokuziqhenya.



“NgoSuku lweNtsha kubakhona imicimbi, imihlangano, nemigidi ezweni lonke.”

“Akumelanga siwukhohlwe umlando wezwe lethu,” waqedelela ugogo.

Wase uyamoyizela egona uBuhle noVusi.

—Imibuzo

1. Ngubani oxoxa le ndaba futhi ngobani abalalele? Ukwazi kanjani lokho?
2. Zazimasha ziyaphi izingane zaseSoweto mhla ziyishumi nesithupha kuNhlangulana ngonyaka we-1976?
3. Kwakuyini isizathu sale mashi?
4. Lwaqala nini lolu suku lomhla ziyishumi nesithupha kuNhlangulana ukuba yiholide futhi kungani?
5. Chaza ukuthi kusho ukuthini 'ukubonakalisa okuthile ngokuthula'.
6. Lisho ukuthini igama elithi 'ukukhumbula'? Bala abantu baseNingizimu Afrika abathathu abakhunjulwayo.
7. Xoxela ikilasi ezinye zezigameko ezinkulu emlandweni waseNingizimu Afrika.
8. Wake wezwa nge-*Gen Z*? Yini izici zayo?

—Izincwadi ezikulolu chungechunge

- USuku lweNkululeko
- USuku lwamaGugu
- USuku lwamaLungelo Abantu
- USuku lokuBuyisana
- USuku lwaBesifazane
- USuku lwaBasebenzi
- USuku lweNtsha

Lendaba yenziwe yaphinde yabhalwa nge
siSwati njengenxenye yeprojekthi
yeZenex Ulwazi Lwethu yempahla
yokufunda ngonyaka wezi-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: USuku lweNtsha

Author/s: Zandile Malaza

Translator/s: Zanele Ndlovu

Illustrator/s: Simangaliso Sibiya

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

